



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vita Beati P. Philippi Nerii Florentini. Congregationis Oratorii Fvndatoris**

**Gallonio, Antonio**

**Mogvntiæ, 1602**

Cogitationes hominum occultas noscit.

**urn:nbn:de:hbz:466:1-43172**

tum efflantem: mox ad Philippum reuersus rem ei totam narrauit, qui feminæ statum, de qua nihil prors<sup>9</sup> acceperat, diuinitus præsenferat.

Dux quidam militum apud Philippum cōfessiones agere cœperat: hunc ille cum diebus aliquot non vidisset, id quod erat præsentens diuinitus, misit qui omni adhibita diligentia, ac festinatione inuestigaret vbi is moraretur: quem enim locum incoleret ab alumniis Philippi ignorabatur omnino: ergo quæritur, quæsitusque inuenitur præter omnium opinionem vitali penè spiritu defectus; atque ad mortem properans.

*Cogitationes hominum occultas noscit.*

**E**Nituit præter ceteras ijsdem ferme temporibus in Beato Patre isthæc virtus, vt occultissimas hominum cogitationes<sup>a</sup> prænosceret quàm optimè: eius rei certissima indicia habem<sup>9</sup> quā plurima; illa verò

Vitæ lib. I.

L 5

maxi-

*Hoc itidem  
Franciscus  
Marta  
Taurusius  
Card. in-  
ratus nar-  
rauit.*

*a  
Vidisse  
Philippū,  
nouisseq;  
hominum*

*animos,  
intimosq;  
eorum re-  
cessus pe-  
netrasse  
sacramēto  
testati  
sunt Fede-  
ricus Bor-  
romaeus  
Cardinal.  
Franciscus  
Maria  
Taurusus  
Cardinalis  
Caesar Ba-  
ronius  
Card. Hoc  
ipsum in-  
tegerrima  
fidei viri  
ad sexa-  
ginta iura-  
ti firmarūt*

*a  
Vide Doro-  
theum in  
B. Dosi-*

maximè excellunt, quibus occulta hominum delicta ab ipso visa comprehenduntur.

Conscientiæ suorum vulnera, quamquam occultissima diuinitus intuebatur, penetrabat, eaque priusquam alūni verbum vllum facerent, illis ipsis detegebat, his verbis: Tu id periculi subijsti, vel in hanc culpā prolapsus es: hæc oranti mihi innotuere. Quibus dictis, salubria ipsis monita tradens, ita eorū animos in Dei timore, suiq; ipsi amore firmabat, vt illos deinceps, suo nutu, arbitrioque regeret.

Intimos mentium recessus videbat, tentationes suorum in Christo filiorū ipsismet admirantibus, reticentibusq; detegebat: certis nōnunquā hominibus, qui eum cōueniebant, colaphū infligere cōsueuerat, dicens: non te cædo, sed diabolum. qua in re sanctissimos viros imitatus videtur, qui diabolicas tentationes alapis<sup>a</sup> ab hominibus propulsabant.

Mul-

Multi fanè qui & doctrina, & prudentia valebant plurimùm, cum animaduenterent sua delicta, occultasq; animi cogitationes Philippo probè cognitatas, apertasq; esse, maximo perculsi stupore eum tanquã cœlestē, diuinūq; virū reuerebātur.

Aperiebat adhuc sæpissimè quib<sup>9</sup> cum eo quotidiana consuetudo erat, ipso quamquam ad confessiones nō utebantur, mentis cogitata, intimosq; animi sens<sup>9</sup>: quod ille eo consilio faciebat, vt eos ad cœlestiū amorē, atq; peccati odium prouocaret facilius.

Adolescens quidam Dominicus, cum nocte quadam importunis concupiscentiæ motibus pressus esset, verecundansq; manē, cum his fortè non quæ par erat, fortitudine restitisset, Philippū vt consueuerat, adire, domi se cōtinuit, sed eodē die à prandio veniēs is ad Oratoriū, vt sermonibus interesset (nunquam n̄ intermittebat vnū diem, quin sem-

theo, Metaph. in Pachomio c.

59. S. Gregor. dialo. lib. 2. c. 4.

30. Everhelmum

Abb in

Poppone

apud Surium tom.

1. cap. 18.

Cranziū

in S. Ever-

modo Vandal lib. 5.

c. 42. Petri

Damiani

in S. Rom-

ualdo. c. 55.

denu

Surium in

B. Edmund

do Episc.

tom. 6. c. 8.

per veniret) Beati Patris aspectū declinare nō potuit: ei ergo accersito; tu dixit, superiore nocte acerrimas tētationes carnis sustinuiſti, adeoq; perfectē rem totam exposuit, vtille præ nimio stupore obmutuerit.

Alio deinde tempore rem nescio quam penitus occultam eidem aperuit, quam præter Dominicum sciebat nemo, ipse autē nulli mortalium enunciauerat.

<sup>a</sup>  
*Eius rei, &  
ceteri ſile-  
ātur, iura-  
tum teſte  
habemus  
Federicum  
Card. Bor-  
romæum.*

Concludam iam caput his paucis: Adeo excelluit Philippus in dignoſcēdis cum domesticorum, tum externorum occultissimis cogitationibus, v<sup>a</sup>el ex ſola facie internum cuiusq; ſtatū cognosceret: illud verò contingebat ſæpiſſimè, vt qui ad eum ventitabant; Quid tua iſthæc, diceret, noua figura oris? in vultu ſi morbus tibi eſt, ægrotatio, & vitium. Quibus verbis internam animi mutationem, quæ in illis, quibuſcū loquebatur, facta erat, ſignificabat, frequenterq; eum audires dicentē:

me-

melius nunc habes, nunc cœpisti  
conualescere, nunc statum muta-  
sti. Verbis exprimi nō potest cog-  
nitio, quæ habetur diuinit<sup>9</sup>; ea quippe  
qua Philipp<sup>9</sup> vel ex solo aspectu in-  
teriore hominū statū nouerat, hu-  
mana haud esse poterat vllō modo.

Illud verò nec silebo, hac ipsa tam  
admirabili cognitione crebrius ab  
se internum piorum ornatum con-  
spectum esse.

Iesu Christi anno  
1559

Sede vacante

Ætatis anno  
45*Futura prœuidet.*

**A**dolescens quidam Lusitanus  
annorum septemdecim Fran-  
ciscus Bassus nomine, Beato Patre  
ad confessiones vti cœperat: hunc  
Philippus ad sacramentotum fre-  
quentiam, atq; orandi studium sua-  
uiter impellens, varijsque, quas vo-  
cant, mortificationibus exercens id  
affecutus est, vt tantum ille in spiri-  
tu profecerit, quod omnes in admi-  
rationem raperet, ceterisque exem-

<sup>a</sup>  
*Eius rei  
iuratus te-  
stis est  
Franciscus  
Maria  
Taurinus  
Card.*

plo